


小說名畫大觀


卷



外交小說

二種





情海間諜

吳榮昌

當意國宮建舞蹈盛會。方在興高采烈。應節序以舉行。其中燉爛煊赫華貴偉麗之觀。不減往昔。余輩外交團中。亦都炫裝禮服。參與斯盛。萬國衣冠畢萃一堂。就中最綺麗者。殆莫如巴西國之大使。其勳章寶星。累累閃閃。令人目眩神迷。人有贈彼以別號曰變色鳥者。則以其時有新色絢綵之寶帶。幾乎月異而歲不同。此外則有俄國大使雪色銀光之制服。而南美一小共和國曰聖馬利諾者。其使臣之制服。乃雜作金黃暗翠之色。吾英大使衛世輝侯。則似渾樸未化。不慣綺靡。僅佩十字勳章一具。而在金碧輝煌廣袤絕倫之客座中。萬千燉爛雷燈之光。照耀有同白晝。凡意廷之貴顯權要。咸峨冠博帶。趾高氣揚。挾其華妝盛飾之命婦夫人。偕同蒞止。玉貌錦衣。珠光寶氣。乃與此勳章璀璨寶星閃爍。交相輝映。華貴雍容。踰躋一堂。其盛況壯觀。舉寰宇殆莫有逾於是者。

時則雅樂奏於堂下。眾賓雜遝之中。余竟覓得茅德女郎。遂共跳舞。以踐前約。茅德者。吾英大使之女公子也。跌宕風流。工愁善怨。意大利年青貌美之勳爵。疇不對此玉人。貢其諛媚顛倒若狂者。顧素心人。別有懷抱。曾不足當其一盼。則皆一笑置之。



光

嘗乘間語余。縱令其人系出天潢。此身亦決不孀。此異族。余及茅德合舞既終。余遂以茅德授之鮑培里。鮑培里者。意國度支大臣之少君也。茅德之遇此君。固較餘人為略優。余於是獨行此人叢中。覓余來此期遇之人。

已而得其人矣。為妙年之麗姝。丰神綽約。弱態多姿。寶髻盤龍。禮服作淺碧色。時世妝也。體段輕盈。方與年事稍長者。二貴婦人並立。笑語輕搖。雅筆時時流盼。及於過客。似覓其期望之人者。余既止其前。重足而立。鞠躬為禮。曰。殿下又回都矣。可勝欣幸。女郎即伸其纖手就余。操法語歡呼曰。噫。柯魯君猶在是耶。或謂君已調往某處。冷僻洞窟。如巴耳幹諸小邦者。余笑曰。否。殿下。吾尚未遘此佳運也。雖然。吾輩外交中人。其遭際若何。固亦朝不謀夕。未可自必者。女郎亦靦然笑曰。人生佳境。望君多得領略耳。言次。余與女郎遂在室內駢肩聯步。正於此時。室之彼端。一長白之門。闐然忽闕。則一內侍高聲呼曰。我王陛下御駕至矣。遂見意王含笑雅步而入。身被暗藍制服。神宇聳然。方其入時。群趨御前致敬。吾女友旋復返至。余側言曰。我自去京歲月駸駸逝如流水。真不啻百年之隔矣。余曰。殿下猶憶當日。吾輩恆在阿笨駑路。共駕自由之車乎。女郎舞其如漆雙瞳。淺笑低聲曰。止。勿復言矣。冒險若是。至今思之。猶慄慄焉。苟為人覺。則含垢蒙羞。抑且伊於胡底。我叔氏意王。尤必震怒。世焉有以藩邸之閨女。乃孤身出與異國參贊遊涉者乎。行見此羅馬城中。沸沸揚揚。將無

已時而幸未為人覺察者。真亦危機一髮之險矣。君不憶彼范祿納公爵夫人者。竟辨識我於小酒肆中。吾輩當日。偽以尋常游客自居。我髣髴似憶君。謂來自伯明罕者。英國不其然乎。余笑曰。殿下。吾固憶之。當日情狀。猶歷歷在心也。少頃。余復探詢曰。愚意殿下與魯意侯定婚之佳音。瞬將佈聞。豈不然歟。女郎駐足。凝眸直視余面曰。魯意侯乎。是誰之云。余曰。固自有人。第不憶為誰何矣。似偶聞於伯呂色勒。就余言時。則靜察其容。女郎曰。然則君所聞者。良亦一風趣無稽之談耳。

此女郎名曰甘蓮庵。產自山鳳藩邸。為當代意王陛下之女姪。妙齡麗質。而為人欻崎磊落。趺弛自喜。不屑屑以禮法自拘。雅有狂放之目。其藩邸中恆引為深憂。顧亦無如之何。甘蓮庵郡主對於貴人。應有之繁文縟禮。既視為桎梏。嗤鄙蕩棄。獨喜微服閒行。芳躅所及。恆在歐洲瀕海諸名勝之區。寄居逆旅。與四方旅人。合席聯座。融融洩洩。如坐入春風中。是為其生平無上之賞心樂事。其在家時。則與母氏毛奇麗郡主同居。凡耳士堡。堡近奧國之勃倫城。古舊而高碩。近歲以來。甘蓮庵郡主亦嘗出入奧國宮廷。以天女化身。蓋代容華之姿。翩如驚鴻。矯若游龍之態。固已馳芳譽於遐邇。為貴族中翹然特出之人物也。

時則余共甘蓮庵郡主。跳舞既竟。郡主復聲言曰。得歸羅馬。重與舊友團聚。斯誠樂事。我之在奧。不啻流戍。而吾家之凡耳士堡。則尤陰森可怖。殆同墟墓。君亦知吾近

乃深懼玷辱貽羞乎。余驚曰：未也。其事若何？郡主曰：其寔亦咎不在我。我及女侍寶琳娜嘗微服至龍州城。在法隱迹倍茵旅館之中。孰意彼間竟有一法國少年愚騃

迷謬。至以我為絕世麗人。妄想種種。卒至與我戀愛。斯不亦異乎？余笑應曰：然則其

人殆正與我昔者同病矣。郡主曰：惡。是何言。君固泛泛。彼則懇懇。寧得同年而語。時

余竊窺其玉容。察知郡主亦真傾愛其人。郡主復曰：惟君自當為我秘之。我所以不

憚聽臆告君者。祇以君為我最篤之舊友。不虞其輕洩也。余急應曰：此則自然。幸

殿下毋慮。郡主忽又曰：嗟。吾老姨氏葛蘭萌已由叻林城。在意來此。我宜往致敬禮

也。別矣。柯魯君圖再相見。語後。郡主宛宛自去。余猶遙遙望見。此灑脫嬌麗之郡主

盈盈點其螭首於一鑽石為冠兀傲老婦之前。

余又獨行此人叢中。忽有比國參贊杜福爾者。止余而低語曰：君亦知意大利將離

棄三國同盟。而聯英抗法。戰雲且不旋踵而起於歐洲大陸乎？君曾否得聞此風傳

者？余不覺失驚顛聲曰：噫。吾友其殆戲言歟？杜福爾拊余耳語曰：誰戲君者？吾言良

確。距今一句鐘前。吾人已得一諜文。自吾國遞至者。言之滋悉。君等胡竟瞶瞶乃爾。

人言即有地震。亦不足驚。一英國使署。寧爾島民之根性固如是哉。乃猶時喜張牙

舞爪。抑獨何歟。

十分鐘後。余已覓獲衛世輝侯。則方與日本公使傾談。余乃呼侯至靜處。舉頃聞杜

福爾所語具告之。侯聞言。蒼顏頓變。語余曰。柯魯吾日間對爾所云云。不已驗歟。吾輩殆為人所賣矣。我王陛下舉是付託爾手。爾苟獲勝利。則全歐之和局猶可保持。非然者。吾國或且喪失地中海權勢之平衡。坐視不救。或則不免與彼法人決一死戰。二者其必居一於此。是則爾荷國家付託之重。所當謹記者也。吾今晚已發一密碼牒文。詳叙此中原委。已遣木雷賁送回國上之外相。是殆必有奸謀狡計。潛行默運於其間。爾其張目聳耳。殫精竭慮。而偵伺勾索焉。此正人臣報國之秋也。侯語已遂回身。與一年高胖碩為羅馬社交界領袖之費恩璇男爵夫人。周旋為禮。時則法國公使車駕早去。而奧使則與德使切切密談良久。是二端者。皆足表示有不得意事出焉。杌隉不安之氣。已襲人於空閒。戰雲似已飛揚於此。嗟哉。金闕之上。莊嚴燦爛之觀。似倏變為慘淡陰森別一景象。又似有黑影已籠罩此酣嬉歌舞縱橫掉闔之場。嗟夫。外交界之恐怖時代。往往而有信哉。特以余黑幕中人物當之。斯其仔肩乃尤加重矣。次日晨間。余方外出。行於薰風麗日之中。兀自疑慮。恣恣於心。驀聞背後鈴聲鏘然。已近前來。余亟迴視。則華車一乘。疾馳而至。御夫咸被王族奴廝制服。繡幃斜捲。車中坐一玄裳貂領之麗姝。裝束整潔。則即往日友余用自排遣之甘蓮庵郡主其人也。

彼此目光既接。余即掀冠致禮。郡主粉頰頓泛紅霞。似甚皇遽者。立駐其車。余乃趨

前致敬郡主則急操其圓熟之英語曰吾特驅車出覓君耳吾必面君請以二句鐘許更見我於聖彼得寺之空廊下彼閒遊客如雲稠人雜選之中當無虞其認識吾輩也余駭然對曰殿下敬聞命矣謹當如約語後鈴聲一振鞭絲微裊而車已絕塵如飛載彼美而俱逝余亦遂歸使署則大使焦悚已極已密觀意王於內廷王亦惴惴焉惟恐我大使所提議之某某條件或有為人洩漏者綜之此日之時局誠為歐洲至危極險千鈞一髮之時期則固吾人衆口一辭者矣

余至英人俱樂部進小膳已將及二句鐘遂渡泰比流河驅車直至聖彼得寺門前而下是聖彼得寺者為羅馬教人瞻禮之所平日縱人觀遊時余見甘蓮庵郡主果已先在廣殿之暗陬孤身靜坐似待余者依然身御玄裳惟已加以面罩掩藏其嬌容焉見余則立起低語曰惟希是閒無認識我輩者時余見郡主玉顏反敗嬌軀震顛已全失常度乃大為驚訝郡主曰柯魯君亦知我今身瀕絕險耶乞君援手可乎余駭然曰何險之有郡主下氣低聲曰嗟夫君固為我肫摯之友我知君必能為我守其秘密我固不智甚矣然其咎不盡在我幸勿憎責即今苟得邀君大力援助則我始猶可免余敦促曰殿下儘可諭命幸乞明言郡主又微喟曰嗟夫柯魯君乎亦知我天良所受之慘痛為何如者我甚願藐躬勿生王侯之家我殊妒羨彼小家碧玉轉得自由戀愛自由擇婚不受羈軌豈若我貴為王族嬌女乃相婿未能自主而

對於素不傾心之人。必迫令佯示其歡愛耶。余莊容言曰。殿下殆謂彼魯意侯矣。然則殿下殆勿屬心其人。郡主忽以明眸注余。低聲言曰。否。誠告君。我心別屬一人。即我在龍州時所遇之法國少年皮卡耳也。其人為法京巴黎之銀行家。余仍莊重言曰。是誠不智。昔者殿下之微服閒出。我不嘗警告其險狀歟。郡主曰。嗟夫。斯固然矣。顧今最不堪者。吾雖詭稱為民家女。彼已探悉吾之真迹。君試觀之。我挾得影像在是也。言次。郡主遂自其衣領內。出一頸鍊。鍊端懸一純金圓形小合。合面鏤一王冕及款識等。刻鏤精工。郡主既啟此合。乃於闇淡光綫之下。出一影像。示余。嗚呼。此影像者。令余見之。乃驚悸震恐。瞠目咋舌。氣如結轆。半晌不復能出一辭。意余於此。一瞥之頃。固已瞭然於郡主所陷之境地。其險阨為何等矣。然余仍嘿爾無言者。匪特以震怖之餘。舌橋不能下。良亦自以含蓄不吐為得策焉。

時則郡主仍納藏其影像訖。余復叩曰。為事奈何。郡主曰。其人已尾我至此羅馬城矣。余曰。然則殿下曾面其人未。郡主曰。距今三日前。曾出至城外一見之。余曰。是即殿下所謂不智者非歟。郡主默然有頃。胸間起伏。復微息曰。得晤所歡。固亦無所謂不智。我所不能釋然者。以我嘗寓書其人者屢。深恐是等書函。或轉落他人之手。我之癡愚在此。余曰。是何以故。郡主曰。以吾近頃所聞。乃恍然於吾身已瀕危地。蓋脫一宣暴。則且醜聲四播。更加之報紙簧鼓。傳遍宇內。可羞孰甚。余訝曰。然則殿下雖

云屬意其人。乃欲命我計返殿下之原函。然乎。郡主疾應曰。然。我必獲返其原函。此中秘密。苟一外洩。則於我名位。殊不能無岌岌。余曰。然則殿下縱心傾其人。猶未能斷定其忠信乎。試誠語我。郡主疾曰。柯魯君之逆料良是。蓋證以邇日所聞。竊恐其人將肆其要挾。脅我下嬪。則此事局之內幕。必且暴露於世。而我蒙此奇羞巨辱。其何以堪。余曰。殿下書中果何語者。郡主曰。君第取而讀之。則得矣。其尤當注意者。則為吾抵羅馬後。一日寓彼之一書。即本月十號。前禮拜六日也。幸君記取此書。最為重要。吾更出其影像示君。俾君得熟識其人。何如。彼已赴里偉勒南境矣。然彼果安在。吾未之知。余對曰。殿下。吾當能覓得其人。言時。余迴憶前度與此皮卡耳氏相值之情境。髣髴猶在目前。又曰。吾敢不竭盡棉力。殿下幸毋慮焉。郡主太息。芳心似為略舒。執余手言曰。幸為我圖之。吾匪特為一己陳乞。並為吾王家請命。吾深懼。噫。所懼為何。誠亦不自知。乃爾舛厲。吾祇覺前顧洞冥。膽戰心寒。然此初非吾過也。即云有過。亦出無心。郡主言至此。已氣竭聲嘶。復併力言曰。吾今托命爾手矣。爾其有聞否。是吾生命所繫。吾烏能堪此宣暴巨辱者。余恬然對曰。殿下。吾即於今晚首途。馳赴里偉勒。偵取其人可也。時余見郡主震越失次。若將昏暈。乃略加慰勉。勸姑鎮靜。余遂鞠躬告辭。出就日光之下而行。將出殿門。偶一迴顧。則見郡主已踞於神像之前。似正禱求赦罪。并祈福焉。

於是又適一禮拜。此一禮拜中。余忙偏焦煩極矣。一日午後。余在孟德卡鹿城。方徘徊於佳雪歌館之廣廳中。場上猶未開幕。而客已麇集。衣香鬢影。笑語喧嘩。余竊其間。瞥見一人。狀貌清癯。被服都麗。髻作栗色。由隔室博場中踉蹌而入。納手袴囊之內。余觀其瘦瘠之面容。欣然若有得色。固知其博勝矣。有二婦人。濃妝艷抹。儼然巴黎時下之美人。尼此瘦人。遂共笑語。就中一婦執一手版。乃筆一號數於此版上。此號數蓋為此瘦人所口授者。則顯然為此瘦人。頃聞入局之球戲中所用無疑。抑此瘦人者。其境遇似較兩載以前為略安舒矣。當年余固識其人。為賴偉恩喬治。初非名皮卡耳。今則入時之華服。為英國名匠所裁製。在其指上。余且見一精美之鑽戒。晶瑩射目。其人固亦儀容俊秀。逸度翩翩。能操數國方言。雅有完美舌人之譽。恆為閨人所喜悅。洵不愧為裙屐少年。顧其今日之在孟德卡鹿城者。必非無因猝至。殆有志堅意決者在焉。是則余可逆料而知者。

噫。余之詎察斯人也。已三日於茲矣。彼蓋寓在巴黎旅館。仍偽名為皮卡耳。而余則居於其對宇之首府旅館。窺其動靜。殊無可疑。其態度閑逸。起居適宜。固與一般旅客之恆態。曾無少異。彼之羈留是閒。余寔茫乎莫測。其命意所在。惟覺其似正期待一人者。然彼固亦熟識余。是故余苟公然直近其人。則是不啻將余解救。彼不幸郡主之功力。立時消滅淨盡也。時則余與郡主函電交馳。余密授以機宜。郡主立時遵

行而同時賴偉恩。則仍度其蕭閑疎慵之生涯。在此靜居。

余更有一節未為讀者告。今則不可不著此補筆。則當余初來此地時。余固已與此巴黎旅館之閩人。密訂交誼。余嘗出法幣魯易一枚。輕輕納入其掌握中。故一日午後。此閩人遂草寸牋。亟以投余。則謂皮氏客行赴聖賴麻城。在魯境余竊自吃吃而笑。一任此俊雅之巴黎銀行家隻身獨行。余則乘次班火車而往。潛尾其後。追余抵聖賴麻城。則已夕照銜山。暝雲四合。萬家燈火。紅窗笑語矣。余乃遺留行篋於車。日遂徒步登山。將詣王家旅館。余行未遠。已有兩人作平民裝。與余為禮。余為先驅。此二人則遙遙相隨。直至旅館門首。

余遂出一函。授此旅館之門者。門者遞入。越數分鐘。門者復來。導余入一樓下小客座中。則賴偉恩在焉。見余則躍然倒退數步。其黃瘦之臉。頓如死灰。手中猶執甘蓮菴郡主之名紙。其上郡主親筆書云。吾不幸適為事阻。未能擅離羅馬。請即一面來使可也。其下署一甘字。時余方掩扉已。賴偉恩喘聲曰。噫。乃汝也耶。余以剛決之聲報之曰。唯賴偉恩我也。我乃一頗不歡迎之客乎。時余心中默念。余固亦熟審斯人狙譎險狠之狀。良非易與。賴偉恩復憤然曰。彼郡主何嘗遣汝來者。汝今此來。意欲何為。余曰。為事甚細。第為郡主之書札已耳。賴偉恩迴身向余。嗤然一笑曰。何書之有。吾並無其書札。余曰。汝固巧妙極矣。然汝固有郡主寓書數通。今須全數見還。幸加

警察賴偉恩曰善似汝顏厚如鐵語冷如冰寔亦吾生平所僅見不可謂非曠世罕
傳之振奇人矣今當勞君玉趾出此旅館言已賴偉恩遽躍向電鈴之次然余已疾
如飛鳥早移身以背就電鈕使不得逞復冷然語之曰汝盍少思吾固決欲索還此
玉璫緘札者想其中不乏纏綿悱惻綺膩芳馨之語也汝故猶戀戀不捨乎然汝豈
能終保幸趣見還則吾輩事了矣賴偉恩含譏帶諷而言曰噫汝豈欲取而自用耶
余曰亦將用入正途耳賴偉恩復岸然曰汝亦終莫能得決矣余乃取時表出復曰
良佳今予爾以五分鐘之商決一事汝當記取則汝今者已入意大利之國門履意
大利之國土彼意國警察密佈苟知有法國間諜之踪迹出沒於是者則掩捕之良
亦便捷也今巡警已伺於門外苟汝必不以郡主之書函全數交出者吾將出此室
去任汝收其後効可也

賴偉恩唇吻堅翁余頃聞之言似已足使其驚懼失措彼蓋已憬悟此局余全操勝
著矣余實特設此策誘令越界闖入意境而今則余固有備無患脫彼必堅持郡主
之書函悍不見還者則不難立召巡警入而逮捕之加以國際密探犯之重罪亦殊
名正而言順也時余與賴偉恩默默相向而立賴偉恩眉峯雙鎖猝掣一短銃出余
亦出己之短銃執而相對並謂之曰閣下果發槍者不智甚矣當知此徒足警彼巡
士使入室耳賴偉恩聞余言為之氣沮神喪口中呐呐詛咒而已

已而四分鐘已忽忽過矣。余乃以此事實特為申告。賴偉恩於是復納槍衣囊中。恬然燃一煙捲而吸。從容靜立。疑眸視余。嗟夫。彼特行險徼倖者一流人物。乃亦能爾。雍容溫雅。邪。余乃復曰。時至矣。賴偉恩君。吾宜與君道晚安。請從此辭。言畢。余遂迴身。趨向門次。賴偉恩喘聲曰。勿爾。俟之。彼蓋深知其身已入牢籠也。又曰。譬若還此書。函於爾。爾將予以何等代價。歟。予曰。還爾自由之身。得出意大利之國境。返爾故國。此即其代價矣。賴偉恩復默然靜立。有頃。勢窮力蹙之餘。復何能為者。乃露出此萬分委屈不願之色。徐徐行至室隅。啟一衣笥之鍵。出一銀製煙盒。則數通之書函赫然在其內焉。

余乃取此書函。疾加檢點。一一審其期日。復毅然曰。來。此猶未盡。彼郡主於本月十號寫爾之一書。又安在者。賴偉恩噙齒嚼齧。發其枯澀之聲。言曰。嗟夫。然則彼竟已語汝矣。彼蓋良惴懼也。余厲聲曰。彼之惴懼與否。無與爾事。惟此一書。爾必予我者。賴偉恩曰。此則不能從命。余乃步至窗前。將啟此百葉之版扉。賴偉恩曰。爾何為者。余曰。吾已無暇與爾再辯。噫。音瘖口。徒浪擲此大好時光。吾故將呼彼巡警入耳。賴偉恩乃亟自襟底掉出一書。遽拋擲諸火爐之中。余竟不及阻。則飛躍而前。攫取得之。已著火矣。余兩人乃為劇烈之爭攘。方攘奪時。而此書半已焚燬。余驟捉敵人之襟。推墮壁隅。遂滅此熊熊之火焰。納此殘片於衣囊中。復謂之曰。今汝苟非欲送其

餘生於瓦俄奴荒島者。宜以今晚之夜半通車。逆歸法國。此吾敢為汝忠告者也。不然。則瓦俄奴島意屬地中海中。已有汝同國人數輩。在彼待汝矣。言已。余遂迴身直出。牘彼一人於室中。木然廢立。似經此威脅。恫喝之餘。其神志已迷。亂昏。督竟不能置對也。

次日午後。甘蓮庵郡主蒙一密網之面幕。妝服一變。與前迥異。盈盈入吾私寓之斗大書室中來。雙握余手曰。嗟夫。柯魯君乎。君不特救護我之生命。保全我之名節。即吾藩府之尊嚴。實亦賴君維持焉。余出書置其前曰。事究若何。郡主默然。紅潮暈於頰際。粉頸低垂。美目下盼。余重申前問。且言余為尊重信用。故實未展開其私書。郡主乃發其細碎之音曰。君第試展此燼餘之殘楮。而一覘其內容。斯得之矣。余如言。啟視之。則此殘燼之牋上。所書令余見之。誠有足怵目驚心。舌橋不能下者。余恬然曰。殿下。吾今乃知殿下此遣之艱險極矣。郡主嘆曰。嗟夫。茲非盡屬吾過。吾雖癡愛其人。然固不審其為何許人也。當日吾偶見我王陛下寢宮內之案上。置一衛世輝侯之來書。則亟竊錄之。亦以彼人有言在前。謂吾苟能予彼以政治上特殊之消息者。則可使其在巴黎股票市中發一財源。至吾竊錄貴國大使之條文。即所以賣吾意國於敵人之手。則吾夢想不到者也。嗟夫。君亦知吾天良之受苦痛為何如者。余曰。殿下固未知此秘密之交涉。將令意大利脫離此三國同盟者。固於法人為至重。

要而殿下書中所錄吾國提議之條文。脫果為彼僭諸法國外部者。則戰氣將不免壓迫於意大利境上。而彼僭之必將售此條文。可以決然無疑。則以北京法使署中固已洩出此風傳也。郡主曰。我知之矣。嗟夫。柯魯君。我不嘗語君乎。我蓋不智甚也。言次。郡主復執余手。深致謝忱。

此一篇之短文。今將結束矣。抑余更有言者。據余偵訪所得。則知此國際之間諜。賴偉恩者。果曾挾郡主書中所錄之條文。求售於法外部。索價二萬五千法郎。而其寓居孟德卡鹿時。則正靜待法外相之商決。其商決又不幸而遲遲也。然彼之不幸。即我之幸。至山鳳家之甘蓮庵。郡主者。竟自首於意王。王大度寬恕之。王又以余不無微勞。特頒給意大利王冕之十字勳章一具。寵賚有加焉。而郡主自經此憂危艱險之後。其放誕不羈之狂病。為之頓廖。正如頑童弄扁舟於驚濤怒浪中。顛簸震盪。心膽俱裂。迨經人援登岸。而遂收其放心。從此不復敢犯險矣。

郡主之於魯意侯。則仍決然拒不允嫁。應前作結迄今余與郡主。猶為最親善之良友。讀者諸君。當能在各報中。時得觀其亭亭倩影之肖像。並讀其紀事焉。惟姓氏則全非矣。

(完)